

CONVOCATORIA PÚBLICA DO CONCURSO DE COMPARSAS PARTICIPANTES NO PASARRÚAS E GALA DO ENTROIDO 2024 NO CONCELLO DE FERROL

De conformidade co previsto nos artigos 17.3b e 20.8a da Lei 38/2003, Lei Xeral de Subvencións, publícase o estrato da convocatoria do concurso de comparsas participantes no pasarrúas e gala do Entroido 2024 no Concello de Ferrol.

Bases reguladoras

As bases reguladoras do pasarrúas e gala de Entroido 2024 apróbanse por acordo plenario de data 28/12/2023, sendo publicadas no BOP de data 05/01/2024 e no taboleiro de anuncios da sede electrónica da páxina web do Concello de Ferrol.

https://bop.dacoruna.gal/bopportal/publicado/2024/01/05/2024_0000000002.pdf

Créditos orzamentarios

Os premios serán financiados con carga á aplicación orzamentaria 05101 3381 48000.

Obxecto e contido

A concellería de Festas do Concello de Ferrol organiza a gala e pasarrúas do Entroido 2024 en réxime de libre concorrência, suxeito ao seguinte contido:

O Concello de Ferrol realizará o Entroido o **luns día 12.02.2024** no centro da cidade. As actividades previstas serán as seguintes :

- ◆ **Desfile-pasarrúas de comparsas** cuxo trazado e saída se determinará mediante resolución da concellería delegada, notificándose a todos os interesados.
- ◆ **Gala do Entroido.** Festival no que as comparsas desenvolverán a súa capacidade creativa nun escenario, cuxa situación e horario de inicio se determinará mediante resolución da concellería delegada, notificándose a todos os interesados.
- ◆ Levarase a cabo unha animación por rúas entre as diferentes comparsas, tanto durante como despois da gala, atendendo ás condicións climatolóxicas. Mediante a resolución da concellería referida no punto anterior fíxase a hora de finalización desta animación

En todo caso, a execución de estas actividades axustarase á normativa e protocolos sanitarios aplicables -no seu caso- no momento dos eventos, o que inclúe a propia suspensión dos mesmos de esixilo ou derivarse da citada normativa.

Requisitos para solicitar a participación:

Poderán participar comparsas, grupos, parellas e persoas que de xeito individual participen no desfile-pasarrúas.

As comparsas inscritas no concurso participaran no desfile e na gala do Entroido, (**un máximo de 15 comparsas**), previa presentación da folla de inscrición (**Anexo I**) no Rexistro xeral, nos termos e formas establecidos na lexislación vixente (Lei 39/2015 de Procedemento administrativo, art. 16 e concordantes).

Tamén **poderán participar** no desfile-pasarrúas os **grupos (un máximo de 6 grupos)** que estarán integrados por un mínimo de (8) oito persoas cada un deles, **parellas** (un máximo de 6) e **persoas que participen de xeito individual** (un máximo de 6), previa presentación da folla de inscrición, segundo corresponda (**Anexo II, Anexo III e Anexo IV**) no Rexistro xeral nos termos indicados.

Consideraranse como “**comparsas**” o grupo de persoas integrado por un número igual ou superior a dezaseis (16) compoñentes **debidamente caracterizados e gardando unha unidade temática** na súa vestimenta e actuación. A simple uniformidade dos seus compoñentes non será considerado como “caracterización”, quedando nas mans da organización deste evento a exclusión daquelas agrupacións que non cumpran estas normas, este mesmo criterio aplicarase aos grupos, parellas e individuais.

Todas as comparsas e grupos deberán estar **caracterizados axeitadamente** e preparadas para a súa participación, tanto no pasarrúas-desfile coma na gala-festival, así como á disposición da organización deste evento nos horarios fixados por esta.

Órganos competentes para a instrución e resolución de procedemento.

O impulso, ordenación, instrución e resolución das cuestións que deriven das presentes bases, corresponderá ao concelleiro delegado da Área de Cultura, Educación, Universidade, Deportes e Festas, en todo caso aplicarase de xeito supletorio o establecido na Ordenanza xeral de subvencións do Concello de Ferrol.

Corresponderá ao dito órgano, previos informes que considere necesarios, resolver ou determinar todas aquelas situacións non contempladas nestas bases.

Prazo de inscrición

O **prazo de inscrición** será de 10 días naturais dende o día seguinte ao da publicación da convocatoria no BOP. O criterio de admisión será o seguinte:

- *Terán preferencia* as comparsas, grupos, parellas e individuais que teñan o seu domicilio no Concello de Ferrol.
- *Rigorosa orde de entrada* da solicitude de participación no Rexistro xeral.

A organización reservarase o dereito á cancelación do evento no suposto de que non se acade o número mínimo de oito (8) comparsas participantes.

Documentación e información que deberá acompañar a petición

Coa inscrición, os interesados deberán achegar cumprimentados tódolos anexos que integran a mesma, atendendo ós contidos publicados nas bases.

Contía dos premios

As comparsas participantes optarán aos premios en metálico, segundo a valoración do xurado nomeado para tal efecto, e que estará presente no lugar onde se desenvolva a Gala do Entroido. Os premios aos que se opta, serán os seguintes:

1º Premio	700 euros
2º Premio	690 euros
3º Premio	680 euros

Así mesmo cada un dos premios antes reflectidos implicará a entrega de un diploma acreditativo.

Accésits por participar (si non se acada ningún premio específico)

Cada comparsa percibirá a cantidade de: **670 euros**. **Cada grupo**, percibirá a cantidade de: **250 euros**. **Cada parella**, percibirá a cantidade de: **60 euros**. **Persoas que participan de xeito individual** percibirá a cantidade de: **40 euros**.

Criterios de outorgamento

O xurado terá en conta a orixinalidade, que deberán ter unha temática común en base a unha representación ou unha actuación musical. Valorarase a complexidade e dificultade na elaboración dos traxes, a vistosidade dos mesmos tanto en movemento como parado, a complexidade e orixinalidade do conxunto que deberá ir en concordancia co tema que se pretende mostrar.

O xurado estará composto polo concelleiro delegado da Área de Cultura, Educación, Universidade, Deportes e Festas que actuará como presidente. Terán a condición de vogais un representante de cada grupo municipal.

En todo caso, tanto o presidente como os vogais poderán delegar ditas funcións.

Actuará como secretario/a un funcionario/a da unidade administrativa á que lle corresponda a súa tramitación, que actuará con voz e sen voto e levantará acta do acaecido ao remate do concurso.

Ferrol, 19/1/2024

O concelleiro delegado da área de Xuventude, Festas, Novas Tecnoloxías e Marca Ferrol,
Arán López Martínez

